

## Universitätsbibliothek Paderborn

**Hermes Theologicvs, Id est Synopsis totius Theologiæ,  
perspicuè, doctè, subtiliter, ac breviter discussa**

Et In octo Partes ... distincta ...

De Angelis Actibvs humanis, & Legibus

**Vindalium, 1646**

Cap. I. De beatitudine.

**urn:nbn:de:hbz:466:1-38834**



TRACTATUS BREVIS  
DE BEATITUDINE  
SUPERNATURALI  
ET ACTIBVS HUMANIS  
quibus comparatur.

---

CAPVT. I.

*De Beatitudine.*



V M finis vltimus Ange-  
lorum & hominis fit Bea-  
titudo supernaturalis, æquū  
est vt ab ea initium mora-  
lis scientiæ Christianæ  
auspicemur, nam in practicis quoties  
methodus prudentiæ id patitur, à fine  
tanquam à scopo totius tractationis est  
ordiendum.

E 3

## SECTIO I.

*De Beatisudine obiectiva.*

**B**eatitudo supernaturalis pariter naturalis, de qua moralis Philosophia agit & ad nos non spectat; diuiditur in obiectivam & formalem, quia finis omnis completere sumptus ex obiecto bono & eius adeptione conflatur.

**C O N C L V S I O I.** Beatitudo supernaturalis consistit in Deo clarè viso. Prob. quia id solum est obiectua Beatitudo quod totam voluntatis capacitem explere potest. Hoc autem solus Deus clarè visus præstare valet, ergo, &c. Maior est clara minor probatur. Quia id solum quod continet omne bonum eminenter potest explere voluntatem, & ita eam satiare ut nihil ulterius expectat; nihil enim cognoscetur extra illud obiectum esse appetibile. Solus autem Deus continet omne bonum eminenter, ergo solus clarè visus saturare potest inexplebilem alioqui voluntatis cupiditatem.

Errores aliorum qui fœlicitatem vel in voluptate, vel in aliis bonis colloca-

DE BEATITUDINE. CAP. I. 103

runt refellit hic S. Thom. q. 2. Boëtius  
2. & 3. de consolatione.

Dixi sitam esse Beatitudinem obie-  
ctiuam in Deo, non vtcunque sed clare  
viso, nisi enim Deus euidenter nobis in-  
notescat, non potest rabida prorsus boni  
cupiditas quæ voluntatem irrequieto  
motu exagitat, cumulatè & adæquatè  
compesci; Aliquid enim semper suauius  
sibi comparandam exhibebit, ergo vo-  
luntas nostra satiabitur tantum cum ap-  
paruerit gloria Dei, & videbitur Deus  
Deorum in Sion Psal. 83.

C O N C L V S I O I I . Obiectum  
nostræ Beatitudinis inuchit omnes per-  
fectiones vt in Deo sunt.

Ratio quia obiectum nostræ Beatitu-  
dinis est Deus vt in se est; vt sic comple-  
titur omnem perfectionem; nam ex eius  
omnipotentiâ, omniscientiâ, omnibonita-  
te à parte rei existit vnum optimum, er-  
go, &c. Vide vasqu dis. 12. nu. 6. & disp.  
13. nu. 2. Nec beati Deum vt in se est  
intuentes eius bonitatem, ab aliis attri-  
butis distingunt.

C O N C L V S I O III . Perfectiones  
Dei non tantum absolutæ sed etiam re-  
latiua per se & directè ad totalem ra-  
tionem obiectiuam beatificam spe-  
ctant.

Est contra Molin. i. p.q. 12. Prob. conclus. quia obiectum Beatificans est Deus prout in se est; re ipsa autem Deus, est Pater, & Filius & Spiritus sanctus, ergo, &c.

Non enim Deus est obiectum beatificans secundum aliquas perfectiones, sed prout videtur, atque adeò non ut unus, sed ut trinus; nec relationes diuinæ concidunt per accidens ad obiectum beatus componendum. ut Caieta 2.2. qu. 2. art. 8. nota, non enim personalitates diuinæ sunt accidentiales Deo, sed verè integrant & complent id obiectum totale prout beatus, quia est beatificum, prout videtur ut in se est, & consequenter non tantum ut unus, sed etiam ut trinus.

## SECTIO.

*De Beatitudine formalis.*

**N**ota Beatitudinem formalem esse possessionem summi boni, seu obiecti beatificantis; nam quantumuis illud obiectum sit omnibus numeris absolutū, non tamam beare potest animam, nisi ab ea possideatur, & cum eā coniungatur, quæ causa est cur Beatus voluerit no-

DE BEATITUDINE. CAP. I. 105  
men Beatitudinis magis propriè cadere  
in possessionem quam in obiectum.  
Tract. i. qu. i. in fine.

C O N C L V S I O I. Formalis Bea-  
titudo non consistit in actu increato vo-  
luntatis diuinæ de creatura beanda , ipsi  
creatüræ appropriato. & velut insito.

Est contra aliquos Theolog. apud  
Gregor. in 2. d. 7.q. 2. in argum. contra  
3. & apud Capreol.

Prob. 10. quia damnatur ea sententia  
ab Agathone Papa in Epist. ad Imperato-  
rem quæ est in 6. Synodo, in actione 4.

Prob. 2. quia non potest Deus attingi  
ab animâ, siue per intellectum , siue per  
voluntatem, siue actu vitali & operatione  
animæ . ergo ille actus debet esse actio  
immanens & insidens animæ, & habere  
dependentiam à principio interno & vi-  
tali ; debet enim potentiam vitalem in-  
formare vitaliter ; ergo nequit esse unio  
actus diuini, qui non potest animam in-  
formare & à principio vitali dependere.  
Quæ omnia ex Philosophia & libris de  
anima patent.

C O N C L V S I O II. Beatitudo  
formalis sita est in operatione aliqua &  
actu vitali creatüræ.

Ratio est. quia debet esse perceptio  
summi boni & tendentia in illud ut mox

dicam, at omnis perceptio obiecti debet esse vitalis, est enim aduertentia ergo debet esse anima aduertens, hoc est vitaliter operans, ergo cum actu vitali. Vide Less. l. 2. de summo bono cap. 10. Suar. l. de attrib. Dei negat. cap. 7. num. 7.

**C O N C L V S I O III.** Beatitudo formalis in sola intellectione & visione intuitiva, ut vera obiecti beatifici possessione collocanda est.

Ita D. Thom. Cajet. Conrad. Durand. Ferrar. Vasq. disp. 2. cap. 3.

Probatur ratione, quia Beatitudo formalis est acquisitio & consecutio obiecti beatifici, & eius quædam veluti apprehensio.

At qui solus intellectus apprehendit & possidet obiectum, ergo beatitudo formalis est tantum actus intellectus. Minor probatur, quia voluntas trahitur potius & possidetur ab obiecto, quam illud possideat, at intellectus formaliter obiicit bonum & præsens facit, & illud veluti continet. Vide Philosophos morales in disp. de Beatitudine.

**C O N C L V S I O IV.** Beatitudinis formalis quæ actu intellectus essentialiter constituitur, duosunt veluti corollaria amor, & gaudium.

Hoc tantum euincunt qui beatitudi-

nem formalem collocant in amore vel gaudio. In amore sitam esse vult Scotus, in delectatione sola Medina; in visione & amore coniunctis, Salas tract. 2. disp. 2. nu. 48. In intellectione, amore & delectatione. Valent. disp. 1. q. 3. p. 1. Pinelli parte 1. operis de altera vita. Less. de summo bono.

Probatur, quia id quod non est essentialiter possessio summi boni, non est essenti aliter & formaliter beatitudo formalis; at amor & gaudium non est possessio summi boni ut constat ex conclus. 3. sed eam presupponit, ergo. &c.

Dices sine amore & gaudio anima vi- dens Deum non esset perfectè beata. Resp. non esset perfectè id est essentialiter beata, nego; complectiuè & integra liter, concedo. Quia amor & delectatio sunt beatitudinis complementa & veluti proprietates, nam possessionem summi boni, hoc est essentialiem beatitudinem presupponunt, & ab ea deriuantur.